



Inatsisartut suleriaasiat § 37 immikkoortoq 1 naapertorlugu Naalakkersuisunut imaattumik apeqquteqarniarpunga.

Naalakkersuisunut Apeqqutit:

- 1) **Mellembølge atorlugu nassitsissutip siorna atorunnaarsinneqarsimasup taartissarsiorniarlugu Naalakkersuisut periarfissanik misissuinerisa nalaanni ukiamullu nassuiaammik saqqummiussinissaasa tungaanut mellembølgitoqqap arlaatigut uterfigalugu atoqqikkallarsinnaanerata periarfissaasinnaanera Naalakkersuisut qanoq ilisimasaqarfigaat?**
- 2) **Periarfissaqarsimassappat Naalakkersuisut qanoq piumassuseqartigippat nassitsissutitoqqap atoqqikkallarnissaanut taamaalillunilu aaqqiigallarnissamik aqqutissiuusseqataanissamut?**

(Anders Olsen, Siumut)

Tunngavilersuut:

Mellembølgikkut nassitsissutip atorunnaarsinneqarnissaanut atorunnaarsinneqarneranullu tunngatillugu Siumumiit arlalitsigut Naalakkersuisunut apeqquteqaateqarnikkut aaqqiissutissanik pilersaaruteqartoqarnerisooq sukumiisumik paasiniarlugu qisuariaateqartarpugut, apeqquteqaatigineqartartulli ilorraap tungaanut tikkuusinngitsut akissutigineqartarput, tassani tunngavigineqartarlutik atortorissaarutit pisoqalisimaneri taartissaqarunnaarnerilu pissutigalugit siunissamut nassitsissutip taassumap atorunnaarnissaa Naalakkersuisunit siunniunneqarsimammat, inuiaqatigiillu iluanni atuisussat ikittuinnaanerannik patsiseqartumik tunngavilersuuteqartarlutik.

Nassitsissutillu atorunnaartup taartissarsiorniarlugu periarfissarsiornermi siunnersuummik upernaap manna saqqummiussisoqarnerani paasinarluartumik partiit tamarmik ilaligaannik piffissaq ungasinnerusoq siunissamilu qulakkeerinnittumik nassitsissummik periarfissaqarnerisooq misissorneqassasoq aalajangiunneqarpoq. Tamanna tamatta peqataaffigaarput.

Siumumilu isumaqarpugut soqutiginaruusoq paasissallugu Naalakkersuisut ukiamut nassuiaammik saqqummiussinissaasa tungaanut periarfissanillu misissuinerup nalaanni mellembølgitoqqap arlaatigut uterfigalugu atoqqikkallarsinnaanerata periarfissaasinnaanera paasinaaviginissaa.

Kiisalu aamma erseqqissaatigerusunnaarpoq KNR radioanik ikittuinnaarnit tusarnaarsinnaajunnaarneqarluni oqariartuutigineqaraluartoq pinngitsoorani atuuttariaqarnera Siumumiit oqaatigigatsigu. Ulluinnarnimi pisartut eqqarsaatigalugit inuiaqatigiit oqariartorfigineqartarmata pinartoqartillugu imaluunniit arlaatigut pingaarutilimmik

apuuusassaqtartillugu. Tamassumalu aamma ukiut tamarluinnangajaasa atorneqartarnera inuiaqatigiinni ilisimaaraarput.

Piomasaraara pisarnertut ullut suliffiusut qulit qaangiutsinnagit apeqqutima akereersimaneqarnissaa.

Ikinngutinnersumik inuulluaqqusillunga

Anders Olsen
Siumut